



Meeqqat atuarfianni atuartut akulliit ilinniarnissamut periarfissat assigiinngitsut qanoq atorneqarnissaannut atuartut ilisimasaasa annertusarnissaat siunertaralugu immikkut ittumik siunnersuinissat aallartinneqarnissaat aallartinniarlugit Naalakkersuisut peqquneqarnissaannik Inatsisartut aalajangiiffigisassaattut siunnersuut. Suliniutissaq ukioq 2017-imi aallartinneqassaaq, paasisassarsiorlunilu angalanissanut, suliffeqarfinnut alakkarterinissanut suliffeqarfeqarfillu pillugu ilinniartitsinernut immikkut aaqqissukkanut aningaasanik kommuninit qinnuteqarfigineqarsinnaasunik pilersitsinissaq aaqqissorneqassalluni.

(Inatsisartunut ilaasortaq Naaja H. Nathanielsen, Attaviitsoq)

(Siullermeeneqarnera)

Qujanaq siunnersuuteqartumut Naaja Nathanielsen.

Meeqqat atuarfianni Ilisimatusarfimmilu ilinniartitsisunngorniarfimmi ilinniartitseriaasimut pitsaassuseq naammaginangitsutut oqaatigineqarsinnaavoq.

Naalakkersuisut siunnersuummut akissuteqaataanni isumaqatigaarput meeqqat atuarfianni ilinniartitsisut aqutsisullu nukittorsarneqarnissaat, taamatummi atuartup siunissaa pitsaanerusunik immersorsinnaajumallugu.

Suliffeqarfiit annerit mikinerillu suleqatiginerisigut periarfissanittaaq pitsaanerusunik pilersitsinnaavoq. Arlalitsigut meeqqat atuarfianni killiffik qaffatsinneqarsinnaavoq, taakkartukkalli periarfissanik pitsaanerusunut aqutissiueqataasinnaapput.

Massakkkut suliffeqarfinnut pulaartarneq ingerlanneqartarpoq, nammineq klassit aaliangernerisingut. Taamaammatt inatsisitingut aaliangersaanissaq periarfissiisooq atuartup pinngitsooratik suliffeqarfiit suleqatingalungit aaliangersimasumik inatsiseqalerpat.

Demkraatinit taamatut oqarluta Naalakkersuisunit allannguutissatut siunnersuut Kultureqarnermut, Ilinniartitaanermut, ilisimatusarnermut ilageeqarnermullu ataatsimiitsitaliamut suliarineqarnissaa innersuupparput.